


# MIHIRA NY FIHIRAN'I JEHOVAH ANY AN-TANY NIVAHINIANA

Lesona 5 hatao ny 3 Febroary, 2024






“Nefa ho nataontsika  
ahoana no fihira ny  
fihiran'i Jehovah tany  
an-tany nivahiniana?”  
(Salamo 137:4)



**Matetika ny finoana ara-Baiboly no miteraka fisalasalana sy mampametra-panontaniana antsika kanefa mitondra toky sy fahazoana antoka koa. Mila tsy ho zaka indraindry ny tsy fahazoana antoka sy ny zava-miafina mampitaintaina, indrindra eo anatrehan'ny faharatsiana sy ny toa fanganan'Andriamanitra.**

**Kanefa aoka tsy hisalasala ny amin'Andriamanitra sy ny toetrany be fitiavana sy marina ary mendri-pitokiana. Mety tsy hahazo antoka ny amin'ny ho avy ny mpanao Salamo nefo matetika izy ireo no mitodika amin'ny fitiavan'Andriamanitra tsy mandiso fanantenana sy ny Fahatokiany.**



👉 **Nahoana Andriamanitra no mamela ny ota sy ny fahoriana hisy? (Salamo 74 sy 79)**

👉 **Nahoana Andriamanitra no mamela ny tsy manan-tsiny hijaly? (Salamo 88)**

👉 **Nahoana no tsy faranan'Andriamanitra izao fahorantsika izao? (Salamo 69)**

👉 **Tsy ho tanteraka ve ny teny fikasany ao amin'ny Soratra Masina? (Salamo 77)**

👉 **Nahoana no ambinina ny ratsy fanahy? (Salamos 37 sy 73)**

# NAHOANA ANDRIAMANITRA NO MAMELA NY OTA SY NY FAHORIANA HISY?

"Nahoana ny jentilisa no hanao hoe: "aiza izay Andriamaniny?" Aoka ho fantatra amin'ny jentilisa eo imasonay ny famaliana ny ran'ny mpanomponao izay nalatsaka." (Salamo 79:10)



**Rehefa nandrava ny Tempoly sy nanafoana an'i Jerosalema i Nebokadnezara Mpanjaka, dia very hevitra tanteraka ny vahoakan'Andriamanitra (Sal. 79:1-4; 74:3-8).**

**Mandra-pahoviana no hamelan'Andriamanitra ny fahoriana hisy? Mandra-pahoviana ny fandresen'ny ratsy fanahy? Mandra-pahoviana no hanamavoina ny anaran'Andriamanitra? Mandra-pahoviana no tsy hamelany heloka? Mandra-pahoviana no hangina Izy? (Sal. 79:5; 74:9-11) .**



**Raha lany ny vahoakan'Andriamanitra, aiza izay voninahitry ny anaran'Andriamanitra? Ny hany vahaolana hitan'ny mpanao salamo dia ny hamalian'Andriamanitra ny olony sy handringany ny fahavalony, toy ny nataony tamin'ny lasa (Sal. 79:6-7, 12; 74:13-19).**



Fantany fa ny fahotana no nahatonga azy ireo tamin'izao toe-javatra izao, ka niangavy an'Andriamanitra izy mba hihaino, hahatsiaro ny fanekeny, hamela heloka, hanala ny fahoriana, ary hiasa ho an'ny vahoakany (79:8-9, 11, 13; 74: 20-23).

# NAHOANA ANDRIAMANITRA NO MAMELA NY TSY MANAN-TSINY HIJALY?

**"Fa diboka ny fahoriana ny fanahiko; ary ny aiko manakaiky ny fiainan-tsi-hita"** (Salamo 88:3)

Ny olona tia an'Andriamanitra sy te hanompo Azy dia azo antenaina ho afaka amin'ny ratsy, satria arovan'Andriamanitra. Saingy ny zavamisy dia mijaly toy ny olon-drehetra koa ny marina.

Marary ny mpanao salamo, miandry fahafatesana, ary tsy azony hoe nahoana Andriamanitra no tsy mamaly (Sal. 88:3-4, 9-14). Miampanga an'Andriamanitra ho anton'ny aretiny sy ny fanaintainany mihitsy aza izy (Sal. 88:6-8, 16-18).

Tsy voalaza ao amin'ny Salamo faha-88 ny fahotana mety ho nahatonga ny aretiny. Raha ny marina, ny fahoriany (araka ny mitranga matetika amin'ny fahorantsika) dia tsy avy amin'ny fahotany manokana. Izany zava-misy izany no mahatonga ny fahoriana ho sarotra takarina, tsy hay hazavaina.

Tokana ny vahaolana: mitaraina amin'Ilay mifehy ny zavadrehetra, ary miandry Azy hiasa amin'ny fotoana mety indrindra (Sal. 88:1-2).



# NAHOANA NO TSY FARANAN'ANDRIAMANITRA IZAO FAHORIANTSINKA IZAO?

"Sasatry ny mitaraina aho, maimay ny tendako; pahina ny masoko, raha miandry an'Andriamanitro aho" (Salamo 69:3)

Toy ny ahoana ny fahatsapan'ny mpanao salamo ny fahalaviran'Andriamanitra?



Toy ny diera tsy mahita rano hosotroina izy (Sal. 42:1-3)



Mahatsiaro ory, marary, tsy manampaniriana ny ho velona izy (Sal. 102:2-4)



Mahatsiaro toy ny sama, ny vorondolo na vorona irery any antany efitra izy (Sal. 102:6-7)



Mahatsiaro rendrika anaty fotaka, tsy misy hifaharana raha tsy ampian' Andriamanitra (Sal. 69:1-3)

Ahoana ny fihetsikao manoloana ny toa tsy firaihan'Andriamanitra?



Tsy mangina izy, fa manohy mivavaka (Sal. 69:13)

Mandini-tena izy (Sal. 69:5-6)

Mamboraka ny fitiavany an'Andriamanitra izy (Sal. 69:7, 9)

Matoky izy fa tsy hangina mandrakizay Andriamanitra (Sal. 69:33-36; 42:5; 102:13)

Asehon'ny Salamo fa tsy maintsy tohizana ny fifandraisana amin'Andriamanitra na inona na inona toe-javatra mitranga eo amin'ny fiainana.

# TSY HO TANTERAKA VE NY TENY FIKASANY AO AMIN'NY SORATRA MASINA?

"Efa nitsahatra mandrakizay va ny famindram-pony? Efa tapitra mandrakizay va ny teniny?" (Salamo 77:8)

Efa nahatsapa toy ny mpanao salamo ve ianao (Sal. 77:1-6)? Mitaraina amin'Andriamanitra izy manantena valiny, nefá tsy nahita; ary noho ny famoizam-pony dia nolaviny ny fampiononana azy. Tsaroany ny fotoana nihirany ho an'Andriamanitra sy nisaintsainany momba Azy. Ary hoy izy: "Hanary mandrakizay va ny Tompo? Aiza ireo teny fikasanao?" (Sal. 77:7-9 ).



Ny valiny dia ny tamin'ny lasa (Sal. 77:10-12; Jos. 21:45). Nanao fahagagana teo anatrehan'ny firenena Andriamanitra (Sal. 77:13-17). Nanao lalana tany amin'ny ranomasina Izy ary nitondra ny olony tamin'ny tànan'i Mosesy sy Arona (Sal. 77:18-20).



Tsy izay nataony rehetra anefa no niharihary. Indraindray dia tsy voamarika akory ny tanany mihetsika: "ka tsy fantatra ny dian-tongotrao." (Sal. 77:19).



Na miharihary na miafina, dia miasa Andriamanitra. Aoka isika hatoky Azy.

# NAHOANA NO AMBININA NY RATSY FANAHY?



**“Satria nialona ny mpirehareha aho, raha nahita ny fiadanan’ny ratsy fanahy”** (Salamo 73:3)

Ny fitsipika fototra dia: “Tsarovy fa iza moa no very tsy nanan-tsiny? Ary taiza no nisy olo-mahitsy naringana? Araka izay efa hitako, dia izay miasa heloka sy mamafy fahorianana no mijinja izany” (Joba 4:7-8).

Saingy hafa ny zava-misy. Maro ny ratsy fanahy ambinina sady tsy misy fanantainana, na dia nesoriny tsy ho eo amin’ny fiainany aza Andriamanitra (Sal. 73:3-9); fa izay mitady hanompo an’Andriamanitra dia mijaly sy azompahorianana (Sal. 73:13-14).

Ande hijery ny zava-misy: eto amin’ity izao tontolo izao ity “ngoly ny lalàna, ary tsy mivoaka ny rariny; fa irohonan’ny ratsy fanahy ny marina, ka izany no ivoahan’ny fitsarana miangatra” (Hab. 1:4).

Saika nahatonga ny tongotr’i Asafa hibolisatra izany (Sal. 73:2). Saingy, rehefa nentin’Andriamanitra tao amin’ny Fitoerana Masina ny diany, dia nahatakatra ihany izy (Sal. 73:17).



Tsy maintsy mijery ny fanambinan’ny ratsy fanahy amin’ny tena fanehoan-jery lavitra isika. Tsy tokony hijery ny “ankehitriny” isika, fa ny “farany”. Rehefa miatrika ny fitsaran’Andriamanitra ny ratsy fanahy dia ho levona izy ireo, tsy handray ny fahasambarana mandrakizay natokana ho an’ny marina.



**“Lehibe ny famindram-pon’ny Tompo amintsika. Tsy handao na hahafoy izay matoky Azy na oviana na oviana Izy. [...] Ranadahiko sy rahavaviko, ianareo izay mahatsapa fa miditra amin’ny lalana maizina, ary toy ireo babo tany Babylona izay tsy maintsy hanantona ny lokanganareo eo amin’ny hazomalahelo, dia aoka isika hanao fihaikana hihira hiram-pifaliana. Mety hiteny ianao hoe, ahoana no ahafahako mihira, nefo ho avy maizina no manoloana ahy, ary vesatry ny alahelo sy fahoriana ny fanahiko? [...] Rehefa mitondra ny fitalahoantsika eo amin’ny sezazia fiandrianan’ny fahasoaavana isika, dia aoka tsy hohadinoantsika koa ny manolotra hiram-pankasitrahana. [...] Ny fiaianana mandrakizay an’ny Mpamonjy antsika dia manome antony tsy tapaka ho antsika hanehoana fankasitrahana sy fiderana”**

**“Maniry ny hanana fahatsiarovana lalina ny ranomaso rehetra izaynofafan’ny Tompo tamin’ny masontsika isika, ny fanaintainana rehetra nampitoniany, ny fanahiana rehetra nalana, ny tahotra rehetra nesorina, izay rehetra nilaina nomeny, ny famindram-po rehetra natosany ho antsika, ary mampahatanjaka antsika amin’izay rehetra eo anoloantsika mandritra ny tohin’ny fivahinianantsika.”**